

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

ارتحال مؤسف

اعيان اعضاسندن ودارالفنون تفسير شريف معلمى مناسترلى اسماعيل حقى
افندى دون صباح سكتة قلبدن ارتحال دار بقا اليشدر .
نعشى بوكونكى جمعه كوني آناطولى حصارنده كي ساحلخانه سندن استمبوله
اون قباننه واورادن فاتحه نقل ايديلهرك جمعه نمازنى متعاقب شاين بيوريلان
مساعده سنية خلافتپناهى اوزرينه فاتح جامع شريفى خطيره سنه دفن ايملك
مقرر بولنشدر .
« اقدام »

سبيل الرشاد

فاضل مرحوم اسماعيل حقى افندى حضرتلى ايچون ، هربرى
او قيمتلى ستونلرندة اوچر ، بشر ، يدشسر سطرلى ير براقق صورتيله
دينانك هيچ برطرفنده كورولمه مش برفدا كارلى كوسترن مطبوعات
عثمانيه بتون عالم اسلام نامنه تشكرلر اولتور !

الْكِتَابُ

ياردەسى اولمايان قوجونماسين

يار جانم خواجه فخرالدينه

اميدك هر زمان خائب ؛ نصيبك دائما نكبت ؛
حياتك چكدي خسرانلره اي كون كورمه ين ملت !
نه دولتسز باشك وارمش ، نه ملعون طالعك ، حيرت !
مؤيد بر حيات اومشده ايچمشدك .. فقط سير ايت :
ناصيل زهر اولدى بردن ديكديكك صهبای حریت !

مكر آلت اوست اولورمش اك معظم عرش استقلال ؛
مكر پامال ايدرمش اك بلند اقوامى اضمحلال ؛
مكر بردن اولورمش آلتى يوز ييل بسله نن آمال :
افقلىر ، باق ، عدم رنكسندة ظلمتلره مالا مال ..
نه بكدرك ، ناصيل چيقدك سن اي فرداي استقبال !

بو استقبالى رؤيا مزده كورسه يدك ، اينانمازدق !
« صباح اولمش » ديدك ، سزمكله بر آواره آيدينلق .
نه خيبتدر : دكلش فجر كاذبلر قدر صادق !
ججيمى بيك خطر قات قات ييغيلمش ، كلده ييرتوب چيق !
الهي ! برايشيق كوستر ، بونالدى بوسبوتون آرتيق .

فقط هي شاشقين ، استمداد ايچون حقدين يوزك وارمى ؟
كتاب الله يو كسكدن باقان كوزلرده آغلارمى ؟
محقر كورديكك قوت بوكون برباق ، محقرمى ؟
ديمزدك ، روحى قرآنك او لاقيديله مضطرمى ؟
ياسن مضطر قالير ، فرياد ايدرسهك ، آلدير برلرمى !

أوت ، سن بويله برفرداي محشر خيزى اوممازدك .
خبردار ايله ينلر اولدى ؛ كولدك . پكدده قورنازدك !
قودورمشدن بتر برحاله كلدك ، طورمادك آزدك !
دوشن معصومه چيقمق غير قابل بيك چوقور قازدك :
كوموب اخلاقى ، آرتيق فحش ايچون بهناملر يازدك !
اوتامق بيلمبورسين ، آكلادق ، لكن نه ايستردك :
شومامدن كه لوثياتى بر « مسلك » ديوب ويردك ؟
عباداللهى صابديردك ، فقط بر يولى كوستردك ؟
كورورسهك نرده بر ناموس ، فحش آباده كوندردك ؛
سزرسهك كيমে نامردانه برفطرت ، قانات كردك .

بييق قيربيق ، صقال يونتوقده طيرناقلر برر پارماق ؛
ييقانماز برصورات ؛ صول كوزده بيضى جام ، فقط پارلاق ؛
حامسز اكسهك صيرتنده برياغ وار : قايار ياوشاق !
شو ، قالجينلره قيوريق پانظالون آلتنده ، قيص قيوراق
سه كن عثمانلى جيتلمنده هيچ بر دويغو يوق مطلق ..
اوتامق وير ، يتر ، قابلسه اللهم ، اوتانديرمق !

محمد عاكف

ضربة ايقاظ

صوك فلاكت بزه كوستردى بوكون بك مدهش !
عبرت آميز اوله جق بك آجى بر صورتده ؛
نه كورونمز ، نه درين حفره مغفل وار ايمش
نه بويوك تهلكلر سخنه حریتده ..

اولوينور بش سنه ... بز نعمت حریتدن
نه كي فاندك كوردك ، نه ترقى ايتدك ؟ ..
مشورت مملكتك لازمه فيضى ايكن
اونى بز اكلامادق ، سوء تلقى ايتدك .

سنى اي دلبر حریت اوت ! اكلامادق ؛
سنى آلت ايدرك دورلو فناقلره بز
وطنى ورطه لره بويله دوشوردكده يازيق !
شيمدى آه اويله قادينلر كي عاجز عاجز

طوربيور ، بلكه يورز برده اميد امداد
بزي محو ايلكه اوغراشان انسانلردن .
نه بويوك ذل سكا بو ! آه خيرسز احفاد !
نه تنزل سكا بو ! ياپديغك ايشلردن اوتان !

توقف - مقلد لرك اعتقادده اجتهاد ادعاسى - مقلدك ايماننده خلاف - « ان للقرآن ظهراً و بطناً » حديثى - حضرت عيسى ايله معلم آره سنده كى حكايه - قيامتك زمان وقوعنه اوائل سورده كى حروفله استدلال - بو استدلالك بطلانى - تفسيرده ابن عباسدن روايت اولنان شيلرك اكثرينك عدم موثوقي - اوائل سوردن استنباط حقنده بعض شيعه دن بر ايكي حكايه .

اختيار مقلدايله كنج محقق بر كون صوكره اجتماع ايده جكلرينه دائر يكديكرينه ويردكلى سوزى يرينه كتيروك ايچون مباحثه تكرار عودت ايتديلر ؛ شيوخ محاوره يي آجوب مناظره يي طلب ايتدى ده ديدى كه :

— كچن مجلسده كلامكه جواب ويرمه مكلنكم عجزمدن ، ياخود اوسوزلر بكقاعت ويرديكندن دكلدر ؛ انحق اولرك بعضيلرنده ؛ جواب ويرمزدن اول هر حالده استيضاحى لازم اولان اهام و غموض كوردوم ، كه اوده : مسلمانلرك ضعفه علت اولي ياخود بعضيلرينك ديديكى كي علت العلل انحق شريعتى ترك ايتك اولديغنده بنم مراد ايتديكم معادن بشقه برشى كلامقلنك در . چونكه بو ، او قدر آجيق بر مسئله در كه كلامقده اختلافه محل اولق قطعياً صحيح دكلدر . برده كوريورم كه مهدي يي انكار ايدىورسك ؛ حالبوكه بونى سندن اول - ابن خلدون كي انكارينه اهميت ويرلمه ين بعض كيمسهر مستتى اولديغى حالده - انكار ايدن هيچ بر مسلمان يوقدر . يالكز ابن خلدونك مهدي يي انكار و اونك حقنده وارد اولان اسانيد حديثه طعن ايتديكنى *** پاشا مرحومدن ايشيتمشم ؛ ابن خلدون ايسه عالم دكل ، انحق بر مؤرخ ايدى .

صوكره سن ؛ قيامتك يقين اولديغى ده انكار ايتدك . حالبوكه بو ، چوققلرك ، قاديئلرك بيله اكلاديني بديهي ، غير قابل انكار بر مسئله در . برده آيتك ، حديثك قرب قيامت اوزرينه دلالتنه ده راضى اولميورسك ، كه كتاب ايله سنتده مغيباتدن خبرلر اولديغى انكار ايدىورسك ديمكدر .

سرد و اتيان ايتديكك بوقدر خطا آلود سوزلر صانكه آركلش كي الك نهايت غير قابل تعمير بر كلام دهها سويلدك كه ، دكلرك صوبي ايله تطهير ايدلسه ينه تميزلنميه جك ، او كا كافى كليه جك . ايشته اوده « مذاهي توحيد ايدرك مسلمانلرى بريوله سوق ايتلى » سوزكدر . مذاهبه منافي اولان بويوك مضافى بن اكلاميورم . زيرا معلوم بر حقيقتدر كه اهل تصوفك هميسى مذاهب اربعه يه تابع ايديلر ، حتى اقطاب اربعه نك (رضى الله عنهم) بيله جمله سى شافعى ايديلر ؛ يالكز شيخ عبدالقادر - اندراسه يوزطوتان مذهب حنبلى يي احيا ايتك ايچين - بالاآخره اورا يه رجوع ايتدى . اكر قطب شعراينك « بواقطاب حضراتى ، كشفلى سايه سنده ، عين شريعتيه مطلع اولديلر ده مرتبه اجتهاده صعود ايتديلر » سوزينى مقام اعتراضده نوكه سوره جك اولورسه ك بيل كه بواعتراض سنك علمينه حجت اولور . چونكه اونلر عين شريعتيه مطلع اولمهلريله كورديلر كه ائمه مذاهبك جمله سى

نه مى يادك ؟ وطنك باغرىنى آل قائلرله بويادك ، قلبنه : جامعلره خاچلر طاقدك ؛ نيجه بچاره قاديئلر ، نيجه انسانلرله بيكسانك يرينى ، يوردينى بيقدك ، يادك .

نيجه معصوم آنالر قالدى يازيق مسكنسز نيجه عقتلرى رنجيده ايدلش قيزلر .. نيجه طول ، كيمسه سز ، او كسوز ؛ نيجه معلول عاجز .. ياد ايدلجكه جكر پارچالانير ، قلب صيزلار .

بزى يادق عجباً بونلرى ؟ هپ بز يادق ؛ كنديمز آريلارق اونلرى برلشدير ك ؛ متصل بر بر يمزله بوغوشور كن آرتق اونوتوب هپسنى دشمنلره فرصت ويردك .

روح حررتى بز اكلامادق ؛ برلشهر ك وطنك فيض و تعالى سى ناصل قابلسه ويره رك آل اله انحق اونى بولق ، بيلمك ايچون اوغراشمق اوت لازم ايكن .. كيم نه ديسه طويمادق ، ديكه مدك ؛ اونلره : « حریت وار ! » ديه بر نشوه مستى ايله سوكدك ، صايدق ؛ غرض و منفعت اوغرنده قوشار كن ناچار ، نااميد حاله كتيردك وطنى ايشته يازيق .

بوفلاكت ، بواليم تجربه زهر آكين ايشته بر ضربه ايفاظ .. اكر بز بوندن اويانير عبرت آليسق ، اوزمان بلكه امين اولورز ، بلكه سعادتله ياشار خسته وطن !

قونيه : ابن حازم

نعيم

مَقَالَات

مخارره

بر محقق ايله مقلد آراسنده

۲

دبير اعظماد ، استدلالك صحيح و فاسر بوللرى

قيامتك قوپه جغنى قرآن ايله استدلال - بو استدلالك طريقى وابطالى - دليلسز سوزك عدم قبولى - مسائل اعتقاديه ده كي ادله نك قطيعتى - اجتهادك منى اصول دينده اوليوب آنحق فروعه ده اولدينى - سلفك اجماعى قارشيسنده